

# নিজের হাতে নিজের কাজ

**কা**রমটার রেল স্টেশন। একটি ট্রেন এসে দাঁড়াল।

ট্রেন থেকে এক বাঙালি ডাক্তারবাবু নামলেন। হাতে একটি ব্যাগ। ব্যাগটি ছোটো কিন্তু মানুষটি যে সম্মানে বড়ো। ডাক্তার বলে কথা। নিজে হাতে ব্যাগ বইতে হয়তো তাঁর লজ্জা বোধ হয়। তাই তিনি 'কুলি—কুলি' বলে চিৎকার শুরু করে দিলেন।



সঙ্গে সঙ্গেই এক কুলি এসে হাজির।

কুলি ডাক্তারবাবুর ব্যাগ মাথায় তুলে নিয়ে স্টেশনের বাইরে অপেক্ষারত পালকিতে তুলে দিল। তারপর সে চলে যেতে উদ্যত হলো। ডাক্তারবাবু উদার মনোভাবের মানুষ। তাই তিনি কুলিকে ডেকে তার হাতে পয়সা দিতে গেলেন পারিশ্রমিক হিসাবে।

কুলি বলল, ‘পয়সা লাগবে না।’

—‘কেন?’

‘আপনি ব্যাগটি নিয়ে বিপদে পড়েছিলেন, তাই একটু সাহায্য করলাম মাত্র। আমার নাম ঈশ্বরচন্দ্র শর্মা।’

নাম শুনে ডাক্তারবাবু চমকে উঠলেন।

তিনি অত্যন্ত লজ্জিত হয়ে বললেন, ‘আমাকে ক্ষমা করবেন। আপনাকে আমি চিনতে পারিনি।’

কুলি বলল, ‘তাতে আর কী হয়েছে।’

ডাক্তারবাবুর সেদিন উচিত শিক্ষা হলো।

তিনি প্রতিজ্ঞা করলেন, ‘আমি আর কখনও নিজের কাজ নিজে হাতে করতে সঙ্কুচিত হব না।’





## হাতে কলমে

### ১. সংক্ষেপে উত্তর দাও :

- ১.১ একজন ডাক্তারবাবু কীভাবে সমাজের সেবা করে থাকেন ?
- ১.২ কোথায় কোথায় কুলিদের কাজ করতে দেখা যায় ?

### ২. একটি বাক্যে উত্তর দাও :

- ২.১ বাঙালি ডাক্তারবাবু কোন স্টেশনে নামলেন ?
- ২.২ গল্পে কুলিটি ডাক্তারবাবুর ব্যাগটি কীভাবে বয়ে নিয়ে গেলেন ?
- ২.৩ ডাক্তারবাবুর ব্যাগটি নিয়ে কুলিটি কোথায় তুলে দিলেন ?
- ২.৪ কুলিটি তাঁর নিজের নাম কী বলেছিলেন ?

### ৩. বর্ণকুড়ি থেকে ঠিক বর্ণটি নিয়ে শূন্যস্থানে বসিয়ে শব্দ তৈরি করো :

ডা \_\_\_ র                      স \_\_\_ ন                      অপে \_\_\_  
পারি \_\_\_ মিক                      ল \_\_\_ ত                      স \_\_\_ চিত

ত্র, ঙ্কু, ফা,  
স্তা, জিজ, ন্যা

### ৪. নীচের বান্দিকের কথাগুলির মধ্যে যেটা ঠিক তার পাশে (✓) চিহ্ন আর যেটা ভুল তার পাশে (✗) চিহ্ন দাও :

- ৪.১ ট্রেন থেকে এক ডাক্তারবাবু নামলেন।
- ৪.২ ডাক্তারবাবুর হাতে ছিল একটি গুয়ুধের বাস্ক।
- ৪.৩ কুলি—কুলি বলে চিৎকার করতে ডাক্তারবাবুর লজ্জা বোধ হয়।
- ৪.৪ গল্পের কুলিটি সম্মানে ডাক্তারবাবুর চেয়ে অনেক বড়ো ছিলেন।



৫. বর্ণগুলিকে জুড়ে শব্দ তৈরি করো :

শ্ + ই + ক্ + য্ + আ

ড্ + আ + ক্ + ত্ + আ + র্ + ব্ + আ + ব্ + উ

অ + প্ + এ + ক্ + য্ + আ

ব্ + য্ + আ + গ্

৬. বর্ণবিপ্লয়ণ করো :

কারমটার, স্টেশন, পারিশ্রমিক, ঈশ্বরচন্দ্র, ক্ষমা

৭. একই অর্থের শব্দ লেখো :

উপস্থিত, ক্ষুদ্র, মর্যাদা, কুষ্ঠিত, থলে।

৮. বিপরীতার্থক শব্দ লেখো :

সন্মান, লজ্জা, শিক্ষা, উচিত, সঙ্কুচিত।

৯. বাক্য বাড়াও :

৯.১ কুলি হাজির। (কোথায়?)

৯.২ ডাক্তারবাবু চমকে উঠলেন। (কেন?)

৯.৩ তিনি প্রতিজ্ঞা করলেন। (কী প্রতিজ্ঞা?)

৯.৪ ট্রেন এসে দাঁড়াল। (কোথায়?)

১০. গল্পের ঘটনাক্রম সাজিয়ে লেখো :

১. ডাক্তারবাবু তাঁর ব্যাগ বহিতে লজ্জা পাচ্ছিলেন।

২. ডাক্তারবাবুর সেদিন উচিত শিক্ষা হলো।

৩. কুলি বলল, 'পয়সা লাগবে না।'

৪. ডাক্তারবাবুর ডাকে কুলি এসে হাজির হলো।

৫. একটি ট্রেন এসে দাঁড়াল।



শব্দার্থ : অপেক্ষারত — যিনি অপেক্ষা করছেন। উদ্যত — প্রবৃত্ত, উন্মুখ। পারিশ্রমিক — মজুরি। উদার — মহৎ, করুণাপূর্ণ। প্রতিজ্ঞা — শপথ। সঙ্কুচিত — কুষ্ঠিত, জড়সড়ো।



১১. নিজের ভাষায় উত্তর দাও :

- ১১.১ কার নিজে হাতে ব্যাগে বইতে লজ্জাবোধ হয়েছিল ?
- ১১.২ ব্যাগ বইতে তাঁর লজ্জা হওয়ার কারণ কী ?
- ১১.৩ ডাক্তারবাবু কেন কুলিকে পয়সা দিতে গিয়েছিলেন ?
- ১১.৪ ডাক্তারবাবুর দিতে চাওয়া পয়সা কুলিটি নিলেন না কেন ?

১২. তোমার জানা একটা রেলস্টেশনের নাম :

-----

১৩. গল্পের ঈশ্বরচন্দ্র শর্মাকে আমরা যে নামে চিনি তা হলো :

-----

